



CONCELLO DE REDONDELA

OFICIAL DE MEDIO AMBIENTE (FONTANEIRO/A) (QUENDA LIBRE)

Os aspectos xerais non contemplados nas presentes bases e as referencias feitas ás bases xerais entenderanse referidas ás Bases Xerais que regulan a convocatoria de procesos selectivos para cubrir prazas vacantes de persoal funcionario e laboral no Concello de Redondela, que se publicaron no *Boletín Oficial da Provincia de Pontevedra* (BOPPO) núm.: 50, do 13/03/2015, coas modificacións que se publicaron no BOPPO núm.: 77, do 22/04/2016. As bases xerais refundidas están dispoñibles na páxina web do Concello (<http://redondela.gal/gl/empregopublicor>).

PRIMEIRA- NÚMERO DE PRAZAS E CARACTERÍSTICAS:

Convócase UNHA praza de persoal funcionario denominada OFICIAL DE MEDIO AMBIENTE (FONTANEIRO/A), encadrada na escala da Administración Especial; Subescala Servizos Especiais; Clase Persoal de oficios; Categoría Oficial; Grupo C, subgrupo C2.

Esta praza está dotada coas retribucións básicas correspondentes ao seu grupo de titulación e as complementarias asignadas ao posto de traballo ao que se adscriba a praza.

SEGUNDA- SISTEMA DE SELECCIÓN:

Establécese o sistema de oposición libre.

TERCEIRA- REQUISITOS DAS PERSOAS ASPIRANTES:

Poderán solicitar tomar parte nesta convocatoria as persoas físicas que reúnan os seguintes requisitos:

-Estar en posesión do título de Graduado Escolar, Formación Profesional de primeiro grao, Graduado en Educación Secundaria Obrigatoria ou equivalente ademais das condicións xerais sinaladas na base cuarta das bases xerais.





-Estar en posesión, como mínimo, do permiso de conducir clase B e estar disposto/a a conducir vehículos desa categoría do xeito que lle sexa requirido para o desempeño do seu traballo.

CUARTA- EXERCICIOS DA OPOSICIÓN:

A oposición constará dos seguintes exercicios:

Primeiro Exercicio: De carácter obrigatorio e eliminatorio.

Consistirá en contestar por escrito a un cuestionario, tipo test, de 40 preguntas, con respostas alternativas baseadas no contido do programa da convocatoria durante un período de 45 minutos. Neste exercicio cada resposta incorrecta penalizará a metade da puntuación de cada pregunta acertada.

Este exercicio puntuarase de cero (0) a vinte (20) puntos e para aprobar será preciso acadar un mínimo de dez (10) puntos.

Segundo Exercicio: De carácter obrigatorio e eliminatorio.

Práctico. Consistirá na realización dun ou varios supostos prácticos relacionados coas funcións a desenvolver e que poderán referirse, á libre elección do Tribunal, aos cometidos propios do oficio e sempre relacionadas coa materia obxecto do temario específico no prazo que estableza o tribunal en función da natureza da proba.

Este exercicio puntuarase de cero (0) a vinte (20) puntos e para aprobar será preciso acadar un mínimo de dez (10) puntos.

Terceiro Exercicio: De carácter obrigatorio e eliminatorio.

Sobre coñecemento do galego para persoas aspirantes non exentas.

Consistirá en traducir do castelán para o galego, sen axuda de dicionario e nun tempo máximo de 30 minutos, un texto elixido polo tribunal inmediatamente antes do inicio do exercicio. A tradución será lida pola persoa aspirante diante do tribunal. Neste





CONCELLO DE REDONDELA

exercicio valorarase a corrección da tradución e a pronuncia da lingua galega.

A cualificación deste exercicio será de apto/a ou non apto/a.

QUINTA- TEMARIO DA CONVOCATORIA:

1. A Constitución de 1978. Principios básicos e estrutura. Dereitos e deberes fundamentais da cidadanía española.
2. O municipio. Concepto e elementos. O termo municipal.
3. A poboación. O/a Alcalde/sa, o Pleno e a Xunta de Goberno Local. Composición e funcionamento dos órganos do Concello.
4. Principios Xerais do Réxime Xurídico das Administracións Públicas e do Procedemento Administrativo Común.
5. Realización de trámites electrónicos ante as Administracións Públicas.
6. Fontanería: conceptos xerais, ferramentas.
7. Saneamentos: Rede de evacuación de augas residuais.
8. Materiais utilizados nas instalacións de auga sanitaria, redes de saneamento e pluviais. Tubaxes e accesorios.
9. Instalación de elementos da rede pública de abastecemento, saneamento e sistemas de rego. Movementos de terras, elementos de seguridade na gabia. Elementos de unión. Fixación e recheo. Nivelación. Interpretación de planos e replánteo.
10. Sistemas e elementos de rego, programación. Mantemento dos sistemas de rego.
11. Instalación interior xeral e particular da auga sanitaria en edificacións. Bombas e grupos de presión.
12. Avarías máis frecuentes nas instalacións dos servizos públicos.
13. Rede de distribución da auga en núcleos urbanos. Depósitos de almacenamento. Tipos de redes de distribución. Acometidas.
14. Avaliación dos riscos máis comúns en traballos de fontanería e calefacción na construción. Medidas correctoras e de prevención.
15. Limpeza e mantemento das instalacións
16. Tratamentos da auga. Composición da auga de consumo, descalcificación, desmineralización, PH, xeneralidades sobre os equipos de tratamento de auga.
17. Sinalización das fontes públicas.





CONCELLO DE REDONDELA

18. Elementos das instalacións nas fontes públicas. O seu mantemento. Conceptos básicos de albanería e cantería para solución de avarías sinxelas. Elementos de fixación e encintado.
19. Regulamento do servizo de auga e saneamento do Concello de Redondela.
20. Seguridade e saúde no traballo de Oficial Fontaneiro/a. Medidas de prevención de riscos laborais.

DOCUMENTO ASINADO ELECTRONICAMENTE Á MARXE



Cod. Validación: TTHYJXSKSNDEWXQTA4293E6GQ | Corrección: <https://redondela.sedelectronica.gal/>
Documento asinado electronicamente desde a plataforma xestiona esPublico | Páxina 4 a 4

Concello de Redondela

Rúa Alfonso XII, 2 36.800 Redondela (Pontevedra) Tlf. 986 400 300 Fax: 986 403 894 CIF: P3604500C